






Д. М. РОССИЙСКИЙ

29

7/11

КХЭРИТКО И ПЭСКИРИ ГИГИЕНА ДРЭ ГАВИТКО СЕМЬЯ



Ц Е Н Т Р И З Д А Т
Москва * 1 9 3 0

НАУКА И ОБРАЗОВАНИЕ ОБЩЕСТВА И НАУКА СЕРИЯ

1990 г.

4.

ТАБЛИЦА
Москва

Цыг.

Д. М. РОССИЙСКИЙ

2-43

КХЭРИТКО И ПЭСКИРИ ГИГИЕНА ДРЭ ГАВИТКО СЕМЬЯ

Пирильдгия Н. Дударова

Инв. №

№

83

Ц Е Н Т Р И З Д А Т
Москва * 1930

Главлит № А-75.847

Заказ 2315

Тираж 2.000 экз.

Книжная ф-ка Центриздата Народов СССР. Москва,
Шлюзовая набережная, 10.

Вашо састыпэн необходимо сы чисто воздухо, свэто и кхам.

Сарэ джинэн, сыр пхаро тэ дышинэс дрэ набари штуба, кай скэдэнапэ бут манушэн. Дрэ дрэван душно штуба, мануша пэрна дро обмороко пал адава, со на ухтылла о воздухо, а би восдухостыр мануш пирдал несколько минуты мэрла. Дро воздухо сы отходэ дуй газы: кислородо и угольно кислота.

Мануш вдыхинэла дрэ пэстэ восдухастыр-кислородо, а выдыхинэла углекислота.

Дыкхэйбэн сыкавэло, со одай кай дро воздухо скэдэлапэ бут углекислота, мануш и живот-но хасена. Если тэ запхандэс манушэн пэ несколько мардэ дрэ набари штуба, если дрэ адая штуба на лэла тэ проджял свэжо воздухо, то углекислота, сави лэна тэ выдыхинэн мануша адякэ отравинэла о воздухо, со мануша савэ долго аченапэ дрэ адая штуба, могискирна тэ мэрэн.

Воздухо дрэ штуба кай скэдэлапэ бут манушэн кэрлапэ налае нэ только манушэскиросыр дыханиёстыр. Исые шшё бут ваврэ причины сос-тыр о воздухо кэрлапэ налачё и вредно ваш о састыпэн.

Сарэ джинэн саво нэпрятно, пхаро воздухо джяла потнонэстыр манушэстыр, а особенно потнонэс ыр, долго на тардэ герэндыр.

Если дро муй манушэстэ сы кирнэ данда и машкир дандэндэ кирнёла о хабэ, то муестыр дрэван нашукар кхандэла. Манушэски сыр джяла дрэван налачё, кхандуно, ядовито газосероводородо, саво отравинэла о восдухо.

Мэлала пасёибнытко и уриибнытко бельё то-жэ отравинэла о воздухо налачэса кхандыпна-са; паладава э мануша, савэ рэдко морнапэ дрэ лазня и савэндэ сы мэлало бэлье, хаскирна о воздухо ядовито испарениэнса, савэ джяна лэскирэстыр трупостыр и лэскирэстыр уриибнастыр. Если адасавэн мэлалэн манушэн скэдэлапэ дрэ штуба, сави на провэтринэланэ, бут, ёнэ адякэ хаскирна о воздухо, со наприсыкльно мануш, саво заджяла свежностыр воздухостыр, лэла пэс дрэван нашукар чувствовать.

Зоралэс хаскирлапэ о восдухо курениёстыр. Дро табачно тхув исы дрэван ядовито ядо, саво действует про амаро ило и про амаро мозго и саво кхарлапэ никотинаса.

Мануша савэ куринэна отравнэна на екхджи-нен пэс'нэ и манушэн, савэ на куринэна и савэн-приджялапэ тэ дышинэс табачнонэса тхувэса. Особенно нашукар табачно тхув дэйствует пэ тыкнечявэндэ и пэ тэрнэ чявэндэ.

Исы ешшё и ваврэ причины собы тэ хаски-рэс о воздухо.

Если пало о кхэр сы мэлало дворо, кай сы бут мусоро, новозо. или скотно дворо, то нала-чё воздухо лэла тэ заджял и дро кхэр. Врэдно газы могискирна тэ проджян дро кхэр хэнду-валэстыр, если ёв сы нашукар кэрдо или мэ-лало.

Мусаро, саво кирнёла пэ вэнглэ, овошшэн-гирэ остатки, разно мэл, саво сы дро джиибныт-

ко кхэр, натринскирдэ и на вышутинэ пэлёнки, тожэ, дрэван зоралэс хаскирна о воздухо, дрэван вредно ваш адалэнгэ кон дышинэла одалэса хаскирдо воздухоса.

Дро воздухо исы ешшэ екх вредно вашастыпэн примесь. Примесь адая — пыло.

Пылинки, савэ урняна дро воздухо сы адасавэ тыкнэ, со дро на дрэван пыльно воздухо амэ лэн на дыкхаса. Если тумэ камэн тэ уджинэс исы ли блата дро адава воздухо совэса тумэ дышинэна, подыкхэнте прэ полоса кхамэскирэстыр свэстостыр, сави попэрла дрэ штуба фэрштэндыр. Дрэ адая полоса тумэ удыкхэна бут пылинки, савэ сыр будто плавинэна дрокхамэнгирэ лучи.

Дро воздухо сы на екх пыло, саво сы стходо вышукино пхувьятыр, сы дро воздухо ешшэ и ваваро пыло, саво сы стходо: саструнэ ошилкэндыр, вэнгарэндыр, извистятыр и ваврэ вешшэствэндыр.

Особенно бут пыло выпэрна про разно производство. Бут пыло сы пэ бумагопрядильна фабрика. Бут вангарэнгиро пыло сы одой кай кэрна мельнична жэрнова, а коли шлифинэна различстальна изделия, дро воздухо попэрла бут саструнэнгиро пыло.

Саро пыло, саво амэ вдохинаса попэрла пирдал муй дрэ амарэ лэгкха.

Особенно опасно сы барэнгиро и мэталлическо пыло: тыкнинька барэнгирэ и мэталлическа частички попэрна дрэ лэгкха и кэрна лэнгэ повреждения.

Бари опасность ваш о састыпэн кэрна разна микробы, савэ сы дро пыло лэндыр мануша насвалёна разнонэнса заразно насвалыпэнса.

Паш амэндэ и дро воздухо, и дрэ блата, и дро пхув, и дро паны исы бут тыкнэн джидэ сушшэствэн, савэ кхарнапэ микробэнса или бактэриэнса, Адалэ сушшэства сы адасавэ тыкнинка, со просто якхэса лэн нашиты и тэ удыххэс, лэн можно только тэ удыххэс дро особо приборо, пирдал увеличитэльно стэкло. Адава приборо кхарлапэ микроскопоса. Если те подыххэс тэло микроскопо понэскири капля, сави сы лыны придастыр или лужатыр, то можно тэ удыххэс бут разноэн джидэн сушшэствэн. Адалэ джидэ сушшэства и иси микробы или бактерии.

Коли амэ чюнгардаса мокрота, дрэ латэ тожэ сы бут разнонэн микробэн.

Особенно опасно ваш амэнгэ сы чяхоткэнгир и или туберкулезаскирдэ микробы, савэ сы дыкхэн тэло микроскопо, сыр сунэ каштопэ.

Туберкулезно кашторэн нанэ дро чисто, свежо воздухо прэ фэлды, дро вэш, дур манушэнгирэ кхэрэндыр.

Адай жэ кай мануша дживэна тэсно, дрэ сыро и тёмно штубы, карик на попэрла ни кхамэнгиро свэто, ни чисто воздухо,—туберкулезаса, каштарэн кэрлапэ дрэван бут.

О мануш насвало туберкулюзаса, кокоро заражает ваврэн пэскиряса насвалыпнаса.

Если насвало чяхоткаса мануш кашлинэла, то мокротэнгирэ капэльныки, дрэ савэ сы тубэркулёзно кашторэ урняна пиро штуба; пэ дуй аршины пашо насвало чяхоткаса манушэстэ урняна дрэван бут надыххнэ мокротэнгирэ капельки, савэ сы зараженны туберкулезно кашторэнса.

Особено бари опаность сы дрэ мокрота, сави выхоркинэла насвало чяхоткаса мануш дрэ латэ дрэван бут сы туберкулезно кашторэн.

Коли мокрота сави чюнгардя насвамо чяхот-каса мануш по поло, или прэ гаса шутёла, то ёй кхэтанэ пылоса газдэлапэ дро воздухо и туберкулезно кашторэ, савэ сы дрэ латэ, попэрна дро логкхо здравонэ манушэстэ, лэн кэрлапэ одой дрэван бут и мануш насвалёла адалэса страшно насвалыпнаса.

Кроме одолэстыр вычюнгардыны прямо про поло или прэ гаса мокрота могискирла тэ приачэл кэ тэраха, манушэнгэ савэ одой проджяна и дуберкулезно кашторэ попэрна дрэ джиибнытко кхэра и здорово мануша кэрнапэ насвалэнса.

Дрэ бут страны кай обрашшинэна бут вниманиё про састыпэн лыджалапэ марибэн чюнгардэибнаса прэ гаса и дро обшшественно штэты. Дрэ Германия, Англия, Америка и дрэ ваврэ страны, пало чюнгардэибэн прэ гаса, лэна штрафо, или тховэна дро бэшибнаскиро про несколько дывэса. Дрэ адалэ страны, при кажнонэскэ, кон чынгардэла прэ гаса, дыкхэса сыр про преступникостэ, сово лыджяло о вредо вашо ваврэнгиرو састыпэн.

Амэндэ на дэна баро вниманиё одалэскэ, со мануша чюнгардэна дрэ обшшественно штэты, дрэ сады, прэ гаса, прэ станции, даже дрэ магазины и дрэ кхэра. Чястэс можно тэ дыкхэс, сыр насвалэ чяхоткасо мануша чюнгардэна бут мокрота и на думинэна ваш адава, со ёнэ розлыджяна о туберкулёзо.

Ваш одава собы о воздухо на мэлаляскирдяпэ дрэ кхэра гылоса, треби пэ дыкхэс пало адава соны тэ на залыджян о пыло прэгэра и про урибэн улицатыр. Ваш адава треби тэ дыкхэс собы о тэраха и урибэн със всегда чисто. Кроме адалэстыр треби кажно дывэс тэ укэдэс

э штуба кай дживэна. Дро адава времё треби тэ откэрэс э фэнштра или форточка. Треби собы э шшётки, э тряпки савэнса выкхосэна о пыло полостыр и мебелиатыр, сыс киндэ; о пыло фэдыр лэла тэ приачел. Нашты тэ домыкэс, собы чюнгардынэ пополо. Ваш адава треби тэ залыджас чюнгарэибнытко посуда, дрэ сави должнобы тэ чюнгордэсэ мокрота, сави потом вычюрдэлапэ дро хындвало, а кокори чюнгардэибнытко посуда трэби шукаринькэс тэ выморэс хачкирдо панеса, ваш адава собы тэ умарэс э зараза.

Сарэ амэ джинас, со о воздухо, саво амэ вдохинаса шэлалэса, выдыхинэлапэ татэса. Дрэ штуба кай сы бут манушэн о воздухо сыгэс кэрлапэ тато.

Амэ выдохинаса бут понэнгиرو и паладава о воздухо кэрлапэ влажнонэса.

Перетаткирдо воздухо и лэскири влажность сы вредно ваш манушэнгиرو састыпэн. Если мануш долго сы дро кхэр, кай сы дрэван тато и влажно воздухо, то ёв чувствует пэс одой дрэван нашукар: дукхала о шэро и даже можэт пэ нашавэл о сознониё.

Если дрэ штуба сы бут манушэн и если э штуба на проветринэлапэ, и если одой дживэна мэлалэ мануша, о воздухо одой сы мэлало и вредно вашосастыпэн.

Всюду должэн тэ авэл чисто, свежо воздухо. Чисто, свято штуба, кай сы бут воздухо и кхам, сави чястэс праветринэлапэ, кай нанэ пыло и набут сы мебель — окэ со необходимо ваш амаро здравимо.

Треби тэ рипирэс, со адалэ кон дышинэна мэлалэса воздухоса, чювствуют пэс всегда нашукар, сы малокровна, лэндэ дукхала о шэро й нашукар хана.

Ваш адава собы ту дышинэс чисто восдухо-са треби саро тэ кэрэс ваш адава собы тэ на мэлалякирэс лэс.

Собы о воздухо сыс чисто, треби э штуба, о урибэн и кокорэс пэс, тэрикирэс дрэ чистота.

Кроме одалэстыр треби шукар и чястэс тэ проветринэс, э штуба.

Лынаскиро тэ откэрэс о фэнштра просаро дывэс. Шукар и ратяса тэ пасёс откердэ фэнштрэнса. Если э рат сы шэлалы, треби тэ закэрэс о фэнштра свяса нибудь материяса.

Лынаскирэ дывэса треби тэ пролыджяс про воздухо.

Зымакиро, коли э фэнштры сы замокхнэ, трэби чястэс тэ проветринэс э штуба; свэжо воздухо дела сдрово' спокойно суно, саво шукар дэиствует проманушэстэ,

Проветринэлапэ о воздухо дро помешшениё, коли хачкирлапэ э бов. Особенно шукар парувэлапэ воздухо коли дро екх времё хачкирлапэ э бов и проветринэлапэ э штуба, Татыпэн адалэстыр на кэрлапэ тыкныдыр, пал адава со э штуба таткирлапэ тогда, коли закэрна э трубы.

Треби тэ рипирос, со если неправильно тэ таткирэс э бов дро воздухо можэт тэ авэл угарно газо и мануш адалэстыр можэт тэ угаринэс, а адава апасносы на только вашо здровима, нэ дажэ и ваш о джиибэн. Ваш адава собы тэ на угаринэс, треби шукаринкэс тэ мэшинэс о вангара дрэ бов и тэ закэрэс ла тогда, коли перехачёна сарэ вангара. Локхо сы тэ угаринэс, если э портыца, сави закэрла э бов нашукар запхандэлапэ.

Николи на треби тэ хачкирэс э бов пэ рат, треби тэ хачкирэс э бов жыко бельвель. На треби дрэван тэ хачкирэс э бов, хачкирдо воз-

духо ослабинэла манушэс и нашукар сы ваш лэскиро здровима, вредно сы тэ хачкирэс саструны бов, ёй на дэла ровно татыпэн, о воздухо кэрлапэ то дрэван тато, то шылало. Адасаво переходо татыпнастыр ко шылалыпэн, тожэ нашукар сы ваш о здровима. Саструнэ бова вредна сы ешше адалэса, со мэлалякирна о воздухо пылоса и копотяса. Фэдыр сарэстыр сы голландско бов, саво дэла ровно, тато воздухо.

На кэрэнтэ духота пыло хачкирдо воздухо дрэ штуба. Саро адава ослабинэла манушэс и помогискирла тэ заражинэспэ разнёнэнса насвалыпэнса.

Дышинэнте накхэса, закэрэнте о муй. Коли лэна тэ дышшнэн пирдал накх, о пыло на лэла тэ попырэл дрэ логкха, адякэ сыр дро накх сы бут тыкнинька балорэн, савэ зарикирна о пыло. О пыло саво скэдэлапэ дро накх, локхо тэ вылэс накхэсхирэса дыкхлэса,

Ангил соибэн проветринэнтэ тумари штуба.

Коли тумэ пасэна николи на закэрэнтэ о шэро одэялоса, адалэса тумэ на дэна пэскэ тэ дышинэна чисто воздухоса дыханиёса и трупоскирэса испарэниёса.

На екх чисто воздухо треби ваш манушэскиро здровима. важно сы и кхамэскирэ лучи. Кхамэскирэ лучэндыр хасена сарэ бактэрии, а дрэ тёмна и сырэ штубы, лэн кэрлапэ бут и ёнэ долго дживэна.

Если ту камэс тэ авэс здорово, рикир пэскири штуба дрэ чистота.

Ваш адава собы тэ авэс здорова, треби тэ рикирэс э штуба дрэ бари чистота.

Ваш о джиибэн треби тэ выкэдэ шуки штуба. Дро сыро штуба, о воздухо налочё. Кромэ адалэстыр дро сыро воздухо дживэна разна микробы и кокоро сыро воздухо вредно сы ваш о здровима.

Джиндло сы, со хуламбэн дэла бут разна мэлалыпэн, мусоро, помои, паны триибнастыр, зола остатки хабнастыр. Если сарэ адалэ отбросы тэ ачявэс дрэ кухня или дрэ штуба, то ёнэ пэскиряса кирняипнаса лэна тэ зарожинэн о воздухо, а кроме адалэстыр треби тэ рипирэс, со дро адасаво мэлалыпэн залыджянапэ микробы, савэндыр джяна насвалыпэна.

Окэ пал одава сарэ адалэ нечистоты, треби кажно дывэс тэ вычюрдэс кхэрэстыр.

Ваш адава дрэ барэ форья, мусоро и твёрда отбросы, вылыджяна пэ свалка, сы дур кхэрэндыр, сарэ манушэнкирэ испражнения джяна пирдал канализационна трубы, дур форостыр, кай лэн кэрна безвредна.

Амэндэ дрэ гава чястэс помои, мусоро, навозо, вычюрдэлапэ адай жэ паша кхэр, а дрэ ваврэ гава, нанэ даже хындвалэн и мануша испрожниэнэнапэ кай попало.

Дро адасаво штэто, кай сы мэлалякирдо воздухо, мануша насвалёна разнонэнса заразно насвалыпэнса. Ваш адава собы адалэс на сыс, треби тэ кэрэс хындвалэ выгребоса. Треби тэ рипирэс со выгребоскиросрубо, треби тэ кэрэс адасаво собы лэскирэ ванты и поло на промыкэнас мэлалыпэн дро пхув. Адасаво выгреби тэ кэрэс круго колодцостыр, савэстыр лэна о паны. О вычребо треби шукаринькэс тэ закэрэс, а о хындвало тэ рикирэс дрэ чистота, собы лэстыр на джялас о кхандынэн. Временэса адасаво хынд-

вало треби тэ обеззараживинес, ваш адава о стульчяко, э ванта и о поло треби тэ морэс кипитяткоса, а дрэ яма тэ тховэс извэстка.

Мусоро и разнo хулаибнытка отбросы Фэдыр сарэстыр тэ скэдэс дрэ яшшики крышкэнса, а коли ёнэ напалнинэнапэ тэ вылыджяс саро мусоро дур кхэрэндыр и тэ вычюрдэс дро пусто штэто.

Треби собы э гасы и двory дрэ гава рикир-дэпэ дрэ чистота палэ граница, дрэ бут гава, кажно дыбэс чювэна о паны и подметинэна э гасы, а саро мэл лэндыр укэдэлапэ.

Кхэра кай дживэна, тожэ треби тэ рикирэс дрэ чистота и особенно тэ рикирэс дрэ чистота э кухня, кай кэравэна и кай рикирлапэ о хабэн.

Кожно дывэс треби тэ укэдэс о кхэр, о дво-ро. э гаса.

Временэнса треби тэ морэс дро кхэр э ван-ты, о потолко и о поло.

Особенно треби тэ марэспэ насекомэнса: мухэнса, пушумэн, клопэнса, джювэнса, тарака-нэнса; савэн бут дрэ смэлалэ кхэро.

Сарэ адалэ насекома не только сы противна, нэ сы ешшэ и опасна ваш манушэнгэ, ёнэ пэ-релыджяна микробы, савэндыр кэрнапэ разна заразна насвалыпэна.

Акана сыкляибэн сыкадя со холера, ратэнги-рэ понасы и брюшно тифо, чястэс, перелыджя-лапэ мухэнса.

Мухи бэшэна прэ испражнения навозо и отбросы и перелыджяна про хабэн разна бакте-рии, приянэна жэ и хомярэнгирэ, брюшно тифокирэ п носэнгирэ бактерии. Выгиндло сы, со просто кхэритко муха лыджяла прэ пэскирэ гэра и дро хобото бутыр паныч миллионы разнo бактериен,

совэ приачен ко мухэнгиро трупо ипрэ гэра за-
кэрдэ сы дрэван сунэ балорэнса.

Коли муха хала микробэн то микробы не
только аченапэ дрэ лэнгирэ вэндэрья джидэса,
нэ могискирна и тэ размножинэнпэ одой. Уджин-
дло сы, со ерэ мухэнгирэ изверження бут сы
микробэн, чясто дрэван заразноэн и опасно-
нэн.

Адав сы понятно, кана чяхоткэнгири мо-
крота, тифознонгирэ, холеронэнгирэ и ваврэ
насвалэнгирэ испражнени. Савэ жэ мэры треби
тэ прилэс ваш адава собы тэнадэс мухэнгэ
тэ размножинэнпэ. Ваш дава треби тэ рипрэс,
со э чистота сы баро мухэнгиро враго. Одой
кай сы бут кирнэ отбросы, конюшэнгиро ново-
зо, помойн ямы, хындвалэ, мэлалэ кухни, сто-
лова, — одаваасы бут мухэн, лэндэр нашты тэ от-
марэспэ. Треби тэ кэрэс адыкэ сыбы вашо кхэр
набут очяэпэ разна хабнытка остатки и опбросы,
могискирн тэ кирнён адыкэ сыр мухи дрэван
камэн лэн. Треби чистэс тэ укэдэс скаминдэс-
тыр послэ хабнастыр о крошки, тэ на рикирэс
мэлалэса скаминд; дур кхэрэстыр тэ вылыджас
помои; тэ на чюнгардэс и тэ на сморкинэс по
поло.

Если тэ кэрэс саро адава, то мухэнгэ на авэ-
ла палсо тэ урнен дрэ манушэнгирэ кхэра. Дрэ
чистота мухи на лэна тэ дживэн и лэна тэ урнен
дрэ ваврэ штэты.

Муха сави прэ набутка заурняндэя дро кхэр,
могискирла тэ бэшэс про хабэн и тэ залыджас
э зараза. Окэ пал адана треби тэ дыкхэс нэ
только пало чистота дро кхэр. нэ и пало чисто-
та паша кхэр. Чястэс амэ дыкхаса, сыр пашо
кхэр счюрдэна разна отбрасы. прямо ферштэн-

дыр или пашо порта чюрдэна мусоро; чювэн помой. Саро дава сы бари приманка вашо мухэнгэ.

Помойно и выгрэбно ямы нашты тэ кэрэс пашо кхэр кай дживэна. Конюшня и грэнгиро навозо тожэ сы адасаво штэ о кай сы бут мухэн.

Особенно треби тэ рипирэс ваш адалэ правила дро гав, кай дрэ кхэра сы тысячи мухэн.

Адыкэ сыр мухи дрэван камэн бэшэн прэ насвалэнгирэ извэржэния треби, если дрэ штуба сы насвало мануш тэ на думыкэс мухэн ко лэскиро выделений кэ мокрота. тхадыпэн, испражнения, а адлкэ жэ и ко мэлало бельё.

Ваш адава треби тэ закэрэс насвалэскиро извержений и сыгыдыр тэ вылыджяс лэс дро хындало.

На только адалэса треби тэ марэспэ мухэнса. Ваш марибэн мухэнса дро баро ходо сы разна мухоловки, Бут мухоловкэн сы кэрдэ адыкэ: стеклянно сосудо дро саво логкхо сы тэ вджяс мухакэ нэ тэ выджял ёв одотхыр ни сыр не может. Дро адасаво сосудо чювэна живо, паны кхандуно сиропоса, саво пэскирэса кхандыпнаса закхарла мухэн, или тховэна одой маро, сахари, савэ адыка жэ закхарна мухэн.

Кроме адалэстыр бут ешшэ сы разна бумажки, савэ сы пропитаны ядоса. Адалэ бумажки сы на куч, нэ лэн на треби тэ тховэс дрэ кухня, адыкэ сыр мухи савэ ханэ ядовито вешшество могискирна тэ пэрэн прямо дрохабэн. Фэдыр сы липки бумажки, савэ кхарнапэ „ногопутки“, кэ савэ прилипінэна мухи.

Адыкэ жэ треби тэ марэспэ пушумэнса, клопэнса и тараканэнса, савэ дживэна дрэ мэлалэ штуба. Пушума розлыджяна буй, дрэван опасна частэс мэрибнытка насвалыпэн, оспа и чюма.

Клопы перелыджяна разна микробы, савэ выкхарна заразна насвалыпэна.

И клопэнса. и пушумэнса треби тэ лыджяс упорно марибэн и шукаринькэс тэ дыкхэс собы лэн на сыс пэ мнушэстэ и дрэ джиибнытко штубе.

Пушумэн кэрлапэ бут дро разна мусоро, дро полоскирэ шшели, а о клопы дживэна дрэ краватэнгирэ шшели, дрэ тюфякэнгирэ складки и лэн одой дрэван бут можэт тэ авэл, нэ бутыр сарэндыр клопэн сы дрэ ванты.

Адава особенно дыкхно сы дрэ гавитка кхэра, кай сы бревенчята ванты, савэ нисоса на закэрнапэ. Дрэ лэндэ сы хапэ и тыкнинька шшели кай дживэна и розмножинэнапэ клопы.

Ваш адава собы тэ вылыджяс клопэн и тараканэн, сыгыдыр сарэстыр треби тэ вычюрдэс мэлалыпэн кхэрэстыр. Чыстэс и шукаринькэс тэ вымитинэс о поло и екх моло дро курко тэ морэс хачкирдо панеса, а адыкэ жэ тэ выкхосэс э ванта, мебель кинды тряпкаса и адалэса тэ на домыкхэс собы скэдыапэ о пыло. Кроме адалэстыр нашты тэ рикирэс дрэ штуба мэлало бельё, а идя треби кажно дывэс тэ чистинэс шшёткаса, нэ. только на дро джиибнытко кхэр.

Само просто средство дро марибэн клопэнса, пушумэнса и тараканэнс — адава сы о кипятко или о паро вастэнгирэндыр самоварэнлыр, саво должно тэ вджял дрэ сарэ шшели, кай дживэна о клопы и кай тховэна пэскирэ парнорэ.

Собы тэ авэс здорово треби тэ рикирэс дрэ чистоа трупэ, о бельё и урибэн.

Сарэ джинэн, со если долго тэ на джяс дрэ лазня или тэ на морэспэ, то о трупэ кэрлапэ мэ-

лало и адалэстыр манушэстыр нашукар кхандэла. О трупo мэлалякирлапэ пыласа, лэс мэлалякирла адыкэжэ о пото, трупоскиро сало, саво сарo врэмё выджяла трупостыр.

Кроме одалэстыр по трупo ачелапэ мыно трупоскиро слоё, саво кхарлапэ перхотяса, и выпынэ бала. Бут разнo бактериен сы про амаро трупo машкирал сарэндыр чястэс попэрнапэ и болезнотворна бактерии.

Адалэ бактери, если о трупo на рикирлапэ дрэ чистота попэрна внутрь, кэрнапэ угри сыпи и разн трупэнгирэ насвалыпэна, савэ сы опасна ваш амаро здровима дрэван бут сы тоже насвалыпэн дро урибэн, сово амэ лыджяса.

Ваш адава собы тэ рикирэс пэскиро трупo дрэ чистота треби лынаскиро чашше тэ морэспэ дрэ рэка, дро прудо или дро море, а зимакиро тэ морэс, дрэ лазня.

Тэ псирэс дрэ лазня и тэ морэспэ треби кжно курко, а на только ангил барэ свэнки, сыр адава кэрна ешшё бут дрэ гава.

Морибэн дрэ шэлало паны на могискирла тэ парувэс пэса э лаэня. Только дрэ лазня можно шукар тэ выморэс о трупo.

На треби тэ морэспэ дрэ адасави хачкирды лазня собы о духо саухтыллэс, треби только, собы разогрело о трупo и тогда если лэс шукаринькэс тэ триинскирэс мацялкаса сапунеса, сэстыр отжяла сарo мэл. После морибнастыр, ангил адалэстыр, сыр тэ урьес, треби тэочювэспэ мелало панес, потом шукэс тэ выкхосепэ рушникоса или простыняса и тэ урьес чисто бельё. Ангил адалэстыр, сыр тэ выджяс лазнятыр про шылалыпэн трэби тато тэ урьеспе. Обычно тэ чюрдэспэ лазнятыр дро ив или дро шылало паны

сы опасно, адыкэ сыр адалэстыр можно тэ занасвалёс. Насвалэ савэнэ дукхала о ило или о логкхэ, савэ кашлинэна, савэндэ сы отдышка, отёко прэ дэрга—на треби тэ псирэс хачкирды лазня.

Тыкнычывэн савэнгэ нанэ ешшё екес бэрш, нашты тэ лыджяс дрэ ласня. Лэн треби тэ морэс кхэрэ дро тато поны тэ морэс тыкнычывэн, савэнгэ нанэ экх бэрш; треби кожно дывэс, а уж дуй моло дро курко обязательно.

Паны не должно тэ авэл хачкирдо, а адасаво сыр парно тхуд.

Тэ морэс тыкнычывэн треби дрэ ванночка или дро чисто корыто. Дро адава корыто треби только тэ морэс тыкнычывэн, тэ триинэс бельё дро лэстэ нашты.

Ангил морибэн треби тэ киндикирэс тыкнычывэскиро шэро, о муй и о якха треби тэ промо-тэс опдельно чяшкатыр кипяченонэса панеса ана корытостыр.

Тэ морэс тыкнычывэн фэдыр ангил пасиибэн, пэ рат.

Кроме морибэн дрэ лазня, дрэ рэка треби тэ морэспэ кажно дывэс.

Особенно треби те рипирэс, со нашты тэ бэшэс пало хабэн, пока на вымордян, шукаринькэс, сапунеса о васта адакэ, сыр б.ктерии, савэ выкхарна заразна насвалыпэна, могискирна, пирдал муй, мэлалэ вастэндыр тэ попырэн дро манушэстэ.

Нашты тэ домукэс собы тэлэ ногти сыс мэл, адыкэ тэло ногти лэн тэ розлыджянпэ микробы, савэ могискирна тэ попэрэн хабнаса, савэ амэ ласа вастэнса, прямо дро амарэ муй.

Ногти должны тэ авэн вымордэ шшёткаса, тато панеса и сапунес и тэ на авэн длуга, ваш со лэн трэби тэ обчинэс ножницэнса.

Николи на ковыринэнте пальцэнса дро накх или дро муй и на дандыренде ногти, адалэса тумэ залыджян, дро пэстэ микробэн и могискирна, тэ заносвален заразно насвалыпнаса,

Ваврэ манушэндэ сы адасави налачи привичка: ваш адава собы тэ перетховэс э листы дрэ книга, или тэ подгинэс бумажна ловэ, ёнэ киндякирн, дро муй о пальцы. Адава тэ кэрэс николи на треби, адалэса мэлалы книгатыр, мэлалэ ловэндыр, можно тэ залыджяс дро муй разна зараза.

Конэстэ потинэна и нашукар кхандэна Э гэра, тато панеса.

Ваш адава собы сыс чисто шэро и собы тэ на выпэрэн обала, трэба екх моло дро курко тэ морэс шэро тато панеса.

Еси жэ бала сы дрэван мэлалякирдэ, приавэлэс чястэс тэ морэс о шэро. Ваш адава собы тэ лэс о тазо тато панэса, тэ кэрэс сапунэстыр, сапунитко паны и тэ втриинэс пальцэнса адава сапунитко паны дро шэритко трупю, после адалэстыр треби шукаринькэс сапунитко панэса и и тэ проморэс чисто, тато панэса. Послэ ада сарэстыр тэ проморэс о шэро дро прохладно паны и шукаринькэс то выххосэн рушникоса.

Николи на треби тэ пасёс киндэ балэнса, адалэстыр можно тэ прошылёс.

Ваш адава собоё о бала шукар барёнас и шэро сыс чисто, кроме адалэстыр, со тэ морэс о бала, треби кажно дывэс тэ ганэспэ гребенкаса и шшёткаса, бала адалэстыр кэрнапэ зоралэ и по шэро на авэла пэрхоть, николи на треби тэ макхэс о шэро помадэнса, помадатыр о бала кэрнапэ жирна, а прэ жирна бала скэдэлпэ пыло и мэл.

Дрэван полезна сы ваш адава собы тэ з ка-
линэс пэс прашылнастыр. кажно дывэс, утром тэ
обмэрэс шылала панеса омуи и о мэн.

Адава кон чыстэс прошылёла, могискирла ут-
ром тэ обкхосэс шылало панеса саро трупо. Кэр-
лапэ адава адякэ: Обморна шылало панеса снача-
ло экх васт, сейчас жэ лэ пэ шукэс обкхасэна и
кхосэна жыко адава, пока о васт на кэрлапэ лом.
Потом адякэ жэ обкхосэна вавир васт, мэн ило,
пэр, спино, гэра ек пало екхэстэ кажно часть
и выкхосэна саро адякэ жэ жыло лолыпэн,

Лынаскиро полезна сы вашо здравима тэ
морэспэ дрё рэка, прудо или озеро. Шукар тэ
морэспэ утром дро 8 мардэ и дрэ белявелескирэ
мардэ коли бэшэла о кхам.

Тэ морэспэ дро пашдивэс или сыгэс после
хабнастыр на треби. После адалэстыр сыр вспо-
теинэса, со кэрлапэ коли сыгэс джяса или прас-
таса, тэ морэспэ дрэ рэка нашты, треби тэ по-
дужакирэс пока сджяла о пото, а то мажно тэ
прошымёс ангил адалэстыр, сыр тэ вджяс дро
паны, треби тэ кирэс о шэро. Николи на треби
тэ чюрдэспэ дро паны пэгашмя, бокоса или дро
низо шэрс, адякэ можно розмарэс пэскиро тру-
по. Кажно должен тэ морэспэс адакицы времё,
собы морибэн сыс лэскэ приятно. Если о мануш
триискирлапэ дро паны, если ушта и трупо лэс-
киро кэрдэпэ синя, адава сыкавэла, со морибэн
сыс дальшэ чем адава требинэ.

Коли выджяса понестыр, треби тэ выкхосэс-
пэ рушникоса или простыняса.

О бельё треби тэ парувэс сыр можно чыстэс,
нэ реже чем ека моло дро курко, адякэ сыр о
бельё пропитынэлапэ потоса и зоралэс мэлаля-
кирлапэ.

О бельё трэби шукар тэ триинскирэс и шукаринькэс тэ кипятинэс шщёлокоса.

Мэлало бельё нашты тэ рикирэс тэлэ постель, дрэ штуба, кай дживэна, или дрэ кухня, адякэ сыр эмэл дро бельё розлагается и мэлалякирль о воздухо. Тэ рикирэс мэлало бельё треби дро-яшшики или корзины крышкаса, фэдыр сарэсо тыр на дро джибнытко кхэр, а кай, нибудь дро чюлано. Тэ триинэс фэдыр на дро кхэр, а дро особо трибнытки штуба (прачечна).

Верхнё урибэн гожэ треби тэ рикирэс дрэ чистота. кожно дывэс тэ чистинэс ла, тэ мымарэс латыр о пыло. Тэ чистинэс и тэ выморэс о пыло верхнё урибнастыр треби про чисто воздухо, ваш адава собы тэ на кэрэс о пыю дро джибнытко кхэр.

Особенно треби тэ дыкхэс собы по трупо и по бельё на розлыджянаспэ о джюва, савэ, сыр тумэ джинэн розлыджяна дуй страшна насвалыпна сыпно и возвратно тифо.

Коли манушэстэ сы мэлало бельё, коли ёв редко лэс парувэла, кокоро сы мэлало и дживэла дро мэлалыпэн, — лэстэ розлыджянапэ о джюва, адякэ сыр о джюва камэн тэ дживэн дрэ блата. Само страшно враго вашо джювэнгэ сы чистота, чисто трупо и чисто бельё.

Если чястэс тэ парувэс о бельё, чястэс тэ псирэс дрэ лазня, то о джюва на залыджянапэ. Чястэсь тэ парувэс о бельё, тэ чингирэс о бала, тэ псирэс кажно курко дрэ лазня, — саро адава сы дрэван лачё средство ваш адава собы тэ на залыджянпэ о джюва и собы тэ на занасвалёс лэндыр тифоса.

Тэ марэспэ шэrorитконэнса джювэнса на пхаро. Шукар, коротко тэ чинэс о бала, ешщё

фэдыр тэ бринэс о бала, тогд уж ни екх джюв на могискирла тэ залыджялпэ про шэро.

Ваш адава собы тэ вылыджяс о гниды пэ бала треби тэ морэст о шэро хачкирдо панеса, уксусосо, а потом тэ ганэс чясто гребешкоса. Дро уксусо розджялапэ клейко вешшество, савэса о джюва прикреинэн ко бала о гниздэн, окэ паладава после морибнастыр логкхо лэн тэ злэс гребешкоса балэндыр.

Шукар сы тэ киндякирэс о бала прэ савэ сы о гниды кэрасино на дэла лэнгэ тэ дышинэс, закэрла лэн слоёса, закэрла лэнгирэ дыхалцыпэ отравинэла лэн.

Треби только тэ рипирэс, со о керосино логкхо мюжэт тэ захачкирэлпэ а паладава треби тэ авэс осторожно ягэса дро адава времё коли о шэро сы киндякирдо керориноса.

Хасёна о джюва жаростыр, учи темгература коли лэна тэ гладинэн о бельё хачкирдо утюгосо, о джюва хасёна. Ваш адава собы тэ протаткирэс сыр слэдует о бельё и урибэн если про лэстэ сы о джюва фэдыр сарэстыр тэ тховэс лэс дро бов, по вально духо. Окончятэльно мэрэн про бельё о джюва если тэ тринэс лэс дро хачкирдо шшелокоса паны или тэ кипятинэс о бельё.

Вашо здровима треби правильно тэ хас, тэ дыкхэс пало данда, правильно тэ совэс и тэ кэрэс физкультура.

Треби тэ хас не режэ чем трин моло дро дывэс, сразу дрэван тэ чяровэспэ не треби, адалэстыр дро ди кэрлапэ пхаро. На треби тэ хас сычэс, треби шукаринькэс пережевывать о хабэн. На шукар пережевано хабнастыр могут тэ занас-

валён вэдырья. Адыкэ сыр амэ хаса дандэнса, амэнгэ треби шукар тэ дыкхэс пал лэндое. Вашо данда вредно сы саро дрэван хачкирдо, дрован шылало и дрэванк ысло. Дрэван вредо сы после шыладэстыр тэ хас со нибудь хачкирдо и наоборот после хачкирдэстыр тэ хас шылало.

Вредно сы коли дрэ данда аченапэ хабынаскирэ кускицы и кирнёна одой. Ваш адава собы адалэс тэ на авэл треби после хабнастыр тэ полоскирнэс о муй панеса и тэ вычишшинэс ачя-дэ дрэ данда кускицы, гусинонэса перошкосо. Николи нашты тэ дандырэс дандэнса почында или со нибудь дрэван, твердо.

После хабнастыр треби тэ полоскинэс о муй панеса и хоть екх моло дро дывэс, фэдыр сарэстыр ангил суибэн, а ешшё фэдыр дуй моло, ут-ром и пэ рат тэ чистинэс о дандо шшеткаса, тэ чистинэс о данда дрэван жёстко шшёткаса на треби. Тэ чистинэс треби и нижня и верхня данда, не только вдоль дандэнгирэ линии, нэ и утрэдырэстыр дро низо.

Шшётка после дандэнгиро морибнастыр треби шукар тэ муес коли сы хаскирдэ данда, коли исы кхандыпэн лэндыр, кроме адалэстыр, со треби лэн тэ чистинэс, тэ палоскинэс после хабнастыр панеса, треби обязательно те джяс ко дандэнгиро састыпнаскиро. хаскирдэ данда треби тэ лечинэс.

Николи на чямудэнте дрэ ушта насвалэн адыкэ сыр чямудэипнаса передэлапэ зараза.

Николи на треби те хас хаскирдо мас или мачо. Дро кирно мас или мачё исы ядовито вешшество.

Адалэ вешшества коли ёнэ попэрна дрэ вендырья, дроди выкхарна тхадэипэн и поносо.

Иногда адалэндыр ядовито вешществэндыр кэрнапэ судороги, о мануш можэт даже тэ мэрэл. Нашты тэ хас насвалэ животнэнги́ро мас. Особенно опасно сы тэ хас животнэнги́ро мас, савэ сыс насвалн чяхоткаса, сибирско язваса и бешенствоса. Некотора адалэ насвалыпэня масэса перэдэнапэ и манушэнгэ,

Кэрадо мас нанэ адасаво опасно сыр жарено или копчено адякэ сыр дро корадо мас жаростыр хасинэ насвалыпэнгирэ возбудитэли.

Набут прожарено или прокопчено масэстыр можно тэ заразинэспэ разнонэнса глистэнса.

Нашукар прожарено бычячье́ масэстыр заражинэнапэ бычячье́ глистаса а нашукар прожарено моченги́ро масэстыр заражинэнапэ маченгирэса гилистоса.

Коли кэравэна о хабэн треби тэ дыкхэс собы сыс чисто пири и васта. Ангил хабэнги́ро кэраибэн треби шукар тэ вымарэс васта.

Меднонастыр, нэлу́жено пирьятыр можно тэ отравинэспэ мэдыса.

Жестяно пирьятыр, сави сы обкэрды свинцо́ха, кэрлапэ свинцоски́ро отравлениё. Опасно сы саструны, эмалированно пири.

Эмалированэ отпынэ кускицы могут хабнаса тэ попырэн дрэ вэндырья и тэ выкхарэн дрэван опасно вэндырьенги́ро воспалениё.

Заразно насвалэ манушэнса нашты тэ хас екх посудатыр. Посуда савьятыр ханэ заразно насвалэ, треби тэ кипитинэс дро паны екх мардо.

Тэ пьес фэдыр сарэстыр чисто кэрадо паны. О паны должно тэ авэл приятно по вкусу, прозрачно и нисоса тэ на кхандэл. Тэ пьес треби только тогда коли камэлапэ тэ пьес.

Коли амэ бут пьаса паны, пхаро кэрлапэ тэ кэрэс буты, пхаро кэрлапэ и дро ди и дрэ вэндырья. Паладова вредно сы тэ хас лондышко хабэн; после адасаво хабнастыр дрэван камела-лапэ тэ пьес. Нашты тэ пьес дрэван шылало паны, оди и э вэндырья лэстыр могискирна тэ прошылён.

Николи на треби тэ пьес бравинта, дро лэс-тэ сы вредно ваш здоровима вешшество. Дажэ набут выпино бравинта можэт тэ отравинэс манушэс. А если бут тэ пьес бравинта то можно и тэ мэрэс.

На пьенте на кэрадо паны, дро лэспэ сы микробы. Особенно логкхо тэ заразинэспэ холераса, дизентерияса и брюшно тифоса. Рипирэнтэ, пирдал накэрадо тхуд можно тэ занасвалёс туберкулэзоса, если адава тхуд сы насвалы туберкулэзоса гурувнятыр. Ваш адава собы тэ авэс здорово, треби несколько мардэ дро дывэс тэ пролыджяс про чисто воздухо.

Движениё и буты про чисто воздухо на только сы полезно, нэ и необходимо вашо здорово джиибэн. Ваш адава собы сыс лачё аппетита и лачё суно треби тэ кэрэс буты про чисто воздухо. Ваш адава собы тэ авэс бахталэса, довольтонэса и здорово треби тэ кэрэс буты, нэ на бутыр сыр 8 мардэ дро дывэс тэ залэспэ ека бутьяса — нашты. Вашо здоровима вредно сы тэ кэрэс буты ратяса. Кон ратяса кэрла буты, адалэскэ треби шукар тэ высовэспэ дывэсэса, собы тэ на хаскирэс пэскиро здоровимо.

Нашты тэ пасёс сразу после хабнастыр. адава тоже вредно сы вашо здоровимд. Мануш должэн тэ злэл пэстыр урибэн, тэраха и тогда только тэ пасёс, урибэн на дэла шукар тэ засовэс.

Тэ пасёс треби рано, машкирал 9-10 мардэ и тэ уштэс тожэ рано. После адалэстыр, сыр прсутянпэ нашты тэ пасёс прд кровать, адава сы на лани привычка и латыр треби тэ отсыклес. Треби тэ закэрэспэ простыняса и байково одеялоса, на треби тэ тховэс э кровать пашо ванша.

Слабонэ тыкнычявэнгэ треби бутыр тэ пасёс чем зоралэнгэ. Тыкнычявэнгэ савэнгэ сы 4 бэрш треби тэ пасёс пашо 12 мардэ дрэ сутки. Тыкнычявэнгэ савэнгэ сы 7 баэрш нужно те пасёс 11 мардэ. Чявэнгэ 10-11 бэршэндыр треби тэ пасёс 10 мардэ 12 бэршэнгирэ тыкнычявэ могут тэ пасён 9 мардэ дрэсутки.

**Если ту камэс тэ явэс здорово — рахх пэскирэ
яхха и кана.**

Кажно шукар джинэл, сыр важно ваш амэнгэ лачё сы слухо и лоче яхха.

Ваш адава собы тэ раххэс лоче яхха, на треби те кэрэс бут буты тэ чинэс, тэ гинэс, или тэ сувэс, коли кэрлапэ ужэ тёмно коли кэрна буты или гинэна, треби собы э лампа сыс по лево строн. Николи на треби тэ гинэс дро валоно. Коли тумэ джян пиро са струно дром или прэ грэндэ, потому со э книго тринскирлпэ и о яхха адалэстыр дрэван сыгэс кхинёна.

Коли дро якх попэла со-нибудь со выххарла о ясва и роздражинэла лэс, треби попыно дро якх тэ вылэс, ваш адава треби логкхэс тэ тринэс пальцова ко нака. Если жэ кокорэскэ нисыр на вылэс и о якх ачелапэ раздраженно-треби тэ джяс ко састыпнаскиро.

Если якха по занятиё кхинёна, то треби хотя по несколько минуты тэ переячес тэ кэрэс буты.

Если нашукар дыкхэна дур или надур, треби тэ джяс ко састыпнаскиро, саво причинэла очки и поправинэла о зрениё. Чястэс о якха занасвалёна пылостыр. Адава кон кэрла буты дро пыло должэн тэ урьес очки. Особенно должны тэ урьес адасавэ очки адалэ кон кэрна буты дрэ кузница и дрэ столярна мастерска, ваш адава собы тэ на попэрэн дро якха саструноскирэ и кашторэскирэ осколки,

Баро свэто и жаро вредно сы вашо якха и адалэскэкон кэрла буты ангил хачкирдо бов, треби тэ урьес о очки тёмно стэкленса.

Кон гиэла или чинэла ангил лампатыр, должэн тэ урьес прэ лампа бумажно обожуро, собы тэ зашишишинэс о якха жаростыр.

Дрэван хасёна о якха адалэстыр кон гинэла или чинэла, или кэрла сави нибудь вавир буты дрэ штуба, сави сы нашукар освэшшенно.

О якха могут тэ хасён насвалыпнастыр, оспатыр, трахоматыр, кирно якхэнгиро воспалениестыр.

Собы тыкнычявэ тэ назанасвалён оспаса, треби тэ кэрэс лэнгэ прививка про пэрво джи-ибнытко бэрш и вавир моло коли джяла дрэ школа. Если исы дрэ семья насвалэ якхэнса, собы тэ на заразинэспэ трахомаса или кирно воспалениёса, треби тэ выкхосэспэ отдельно руш-никоса и тэ пасёс прэ отдельно постель

Кон сыс насвало якхэнса и лыя вастэса лэскирэ вэвши-далжэн шукаринькэс тэ выморэс о васта.

Николи на треби про триинэс о якха вастэнса. Николи на треби тэ морэс о васта и о муй

екхэса панеса или тэ выкхосэспэ на отдельно рушникоса.

Собы на дукхандынэ о кана, лэн треби тэ рикирэс дрэ чистота и тэ дыкхэс пало адава, собы тэ на скэдэлпэ дрэ лэспэ о мэл и серо.

Николи на треби про кан тэ дэс годла, тэ свистинэс дро кан, тэ чямудэс дро кан, адалэстыр о кана могут тэ занасвален. Нашты ниро кана тэ морэс, адалэстыр мануш не только на лэла тэ шунэа, не можэт тэ ачелпэ би канэнгирэса.

Николи на треби тэ лазинэс дрэ кана карандашаса, шпилькаса, спичкаса или соса нибудь дшшэ тэ чистинэс канэнгиро проходо. Фэдыр сарэстыр рушникос-кирэса кончикоса или накхэнгирэса дыкхэса. На треби тэ тховэс э вата дрэ здоро кана. Особенно на треби тэ тховэс дрэ кана э вата камфароса, или морско канато, со советуют тэ тховэс коли дукхана оданда. Коли дро кан попэрла саво нибудь насекомо, треби тэ чювэс дро кан набутка капеш тато ростительноскиро ксил.

Тэ вылэс со нибудь попыно дро кан кокорэскэ или конэскэ нибудь кхэрэстыр — нашты, а треби тэ джяс ко састыпнаскиро. Нашты кокорэскэ, если напхэнда адава о састыпнаскиро тэ спринцовинэс соса нибудь о кан, конэстыр джяло канэстыр о гноё треби обязательно тэ джяс ко састыпнаскиро.

Адалэскэ кон прогинэла адая книга треби тэ рипирэс, со ваш адава собы тэ явэс здорово треби дро саро тэ дыкхэс пало чистота.

машинэнте чисто, на мэлало воздухоса, рикиэнте пэскири штуба, бельё и урибэн дрэ чистота, дыкхэнте пало чистата дро кхэр, на куринэн-

те и на пьентэ бравинта, раххэnte пэскирэ якха
и кана, кэрэnte физическо буты по свежо воз-
духо, про кхамэскиро свэto—и тумэ явэна
здрова, на лэна тэ насвалён и радостно авэла
тумаро джибэñ.



ВЕРХОВНЫЙ СОВЕТ
СОВЕТ МИНИСТРОВ
СОВЕТ НАРОДОВ
СОВЕТ НАРОДОВ

Тимин 10 гаспря

49075

Цена 10 коп.

Цыг.
2-43



На цыганском языке


Д. М. РОССИЙСКИЙ

Жилищная и личная гигиена в крестьянской семье

ЦЕНТРАЛЬНОЕ ИЗДАТЕЛЬСТВО НАРОДОВ СССР

Москва, центр, Никольская, 10





	Цыг.
	2-43